

docriver 文川网  
入驻商家  
在文川网搜索古籍书城 获取更多电子书

中國方志叢書·華北地方·第二四〇號

據清·張延福纂修  
清·乾隆十八年抄本  
影印

甘肅省

# 涇州

# 志

(全)

成文出版社有限公司印行



中華民國五十九年 月壹一版

# 涇州志

全一冊

發行人：黃 成 助

出版者：成文出版社有限公司  
台北郵政信箱二二六〇五號

台北市羅斯福路三段279之二號  
電話：三七〇一三二號

印刷者：東南印製廠有限公司  
和平西路二段70巷83弄29號

內政部登記證內版台業字第一一四七號

# 涇州誌序

史以考治亂誌以徵廢舉均重也  
然史設韻官有注錄章疏之可據  
而誌無司存與紀事者其載筆之  
難易旣異勢矣史以褒貶昭勸戒

docsriver 文川网  
入驻商家 古籍书城

在文川网搜索古籍书城 获取更多电子书

誌以見聞備記載其體裁又異指  
矣且誌有二善誌實不誌虛誌信  
不誌疑誌質不誌文夫然誌也而  
進於史矣顧不重哉涇州古義渠  
地當陝甘之衝為漢名郡唐宋以

來諸名臣後先經畧安撫以故覩  
其山川考其疆域同昇並峙涇汭  
分流而一種雄偉峭拔之氣實與  
關隴名山大川相發揮余於壬申  
歲奉

# 命來陝荷

上憲題署平慶道篆抵任後卽亟  
取郡誌披閱之奈多殘缺而涇誌  
復久失竊欲拾採舊聞與州牧共  
編緝之未遑也甲戌春初州牧張

名延福者手持二編告余曰涇故  
無誌而邊地質野文獻無徵遠搜  
近採就所聞見者筆之於書幸僉  
判李瑾素亦留心誌乘共相與排  
纂次第之今告成矣敢以序請余



因細閱全卷其中古今之興廢上  
下之規制及事之善敗風土之美  
惡莫不縷晰條分且去其誕妄刪  
其疑似除其浮靡一篇之中三善  
備焉所謂誌實不誌虛誌信不誌

疑誌質不誌文者非耶余不覺神  
為飛動拍案喜曰牧之志可徵諸  
治牧之治始可及於誌矣尤冀以  
較然不欺其心者永懷勉勵庶幾

仰副

# 皇猷勤宣

憲德將見及才蒸蒸蔚起風俗憂  
憂日上謂僅存歷代之典章文物  
已哉為誌言之又不止為誌言之  
也爰舉而壽之倅卽以斯誌為國

之史也可是為序時

乾隆十九年歲在甲戌仲春之吉  
誥授中憲大夫分巡平慶兵備道榕

亭莊年譔

11

# 涇州誌序

誌之為書重矣哉上紀天文下察  
地輿其間方名族類壇祠往蹟物  
土之異宜風俗之好尚與夫兵刑  
錢穀水利農田吏治之得失民生

之利病莫不胥於是載洵從政之  
津梁匡治之寶鑑也誌顧不重也  
哉郡東所屬涇州古義渠地也漢  
時置安定郡後魏始置涇州唐宋  
之際疊為重鎮尋復改州元明因

之泊乎徒治涇陰仍隸平涼郡焉  
幅幘二百餘里控扼西陲地勢險  
要實甘省之咽喉邊衢之門戶昔  
時寇暴窺覘諸羌雲擾為戎馬紛  
馳之場自我



朝鼎興以來內外又安又恭逢

聖主臨御化洽邊隅自涇以西直抵  
嶮峪永奠內域夫涇旣居甘省之  
首化行自始四方於是乎觀瞻其  
土地人民政事暨一切儀制典章

docsriver 文川网  
入驻商家 古籍书城

在文川网搜索古籍书城 获取更多电子书

視他州為更重則涇之誌亦視他  
州為要矣慨自歷任司牧非無賢  
智傑出政治卓卓可觀者而於誌  
之一書大都任其沿襲畧焉弗講  
州牧張名延福者豫之秣陵人也

才識品行冠於羣倫而又出之以  
老成明練蒞涇兩載地方政事孳  
孳勉勉百務以興猶念誌乘所關  
為敷政之準繩允宜注守特以歲  
久因循零落散佚汲汲焉銳意纂

輯會州之僉判李瑾博涉經史綽  
有才情各殫精思互相讐校至是  
誤者正之岐者一之晦者顯之缺  
者補之區分類析鉅細畢登遠披  
近稽考核精詳書成為謀剞劂請

序於余余曰是書也猶國之有史  
家之有乘也前人之誌備矣然不  
有述者其何以著矧今疆宇清寧  
人民繁阜遠觀山川形勝斥堠已  
息烽燧之烟孰察民物雍熙閭閻

永享必寧之福向非留心制治之  
牧則誌之為書幾等於百家雜記  
行且漸就漸滅而無可徵矣今張  
牧獨起而考訂詮次之燐燐炳炳  
丕昭歷代之規模灑灑洋洋用取

前人為法戒誠令千載而下求治  
者綜覽天人事物之際優游敷政  
而得所指歸焉厥功亦偉矣哉余  
忝居表率學愧而牆授簡含毫詎  
識亡書三篋傳新緯昔竊比商管



一言快覩牧令之精勤益相交勉  
於上理誌存一帙義屬興觀因為  
之序如此

昔

乾隆十八年歲次癸酉十一月上

澣之吉

誥授中憲大夫知平涼府事加二級

紀錄九次福山王機譔

序

涇處陝甘之交玉塞金城依為關鍵自漢設郡以來戎馬蹂躪直逮前明我

世宗憲皇帝策勳青海臥鼓銷鋒關以西始無兵革之患壯西服而控遠夷涇原實為要地則一方之文獻宜足非若僻壤微區或可因陋就簡也歲壬申余自

蜀之冕邑量移茲土甫下車汲汲以誌  
乘是詢僉曰無之夫誌以尊王制體國  
經野凡幅幘之廣狹山川之險易人土  
財用之盈絀文德武功之修廢以及往  
哲前徽土宜習尚胥於誌而綱領提挈  
之烏可缺典卽思博採舊聞纂輯成書  
適值冠蓋絡繹皇華之使掣電奔雷志

焉而未逮也癸酉秋應接稍暇亟購郡  
誌而遍閱之又多殘缺莫考州歲薦李  
子名燠者紀先後職官頗詳累代詩文  
亦多彙記因取而付之別駕李君囑以  
專厥事李君者山左世族品端學邃有  
良史才更加蒐羅手為編輯余於簿書  
之餘亦相與參酌考訂復諮諸紳士及

耆老之知逸事者僉曰可且各願助資  
勩事乃脫稿而付梓焉間嘗登高峰之  
巔溯涇汭之源其東則朝那關兩崖聳  
峭林木蔚森是老上單于之所從入也  
北則回中山岑閣凌雲瓊漿洒露是周  
穆漢武翠蓋之所臨御也南奔耳錦屏  
遮塞西百泉飲馬長川郭汾陽韓范諸

docsriver 文川网  
入驻商家 古籍书城

在文川网搜索古籍书城 获取更多电子书

公之遺烈猶有存者矧自漢魏以來忠  
貞之士節烈之行代不乏人顧聽其闇  
而不彰久而失實乎在昔關中士大夫  
率留意誌乘如韓五泉之朝邑康對山  
之武功前輩並稱巨麗余固陋寡文何  
敢比二君子其所以與一二同志力成  
是書者亦期上揚



盛世之休光下備輶軒之採擇不使勝地  
名區致同杞宋無徵耳但見聞有限詳  
備為難踵事增華竊有望於後之博雅  
君子焉是為序

昔

大清乾隆十八年歲在癸酉仲冬月望前  
二日